

Sondeo constante pa reapertura Valero, ta los di vision berde



ORANJESTAD - E direccion berde cu Aruba ta bay ta pa por percura pa su necesidadnan di energia haciendo uzo di energia renoba. Esey ta produccion di awa, coriente y na cierto momento transportacion. Tur esaki segun Mike De Meza ta los for di e refineria. E refineria ta un compania cu tin su actividadnan comercial cual no tin nada di

haber cu e vision berde di Aruba.

Esaki ta e maneho di gobierno riba Aruba su demanda pa energia, cual ta los di actividad di cualkier compania cu tin actividad comercial etc. "No mester lubida cu pa hopi aña mas dilanti e petroleo lo sigui hunga rol importante den e bida socio economico di tur hende y por apunta casi tur cos rond

ta relata na azeta."

Un no ta stroba otro

Consumo di recursonan fossiel ainda ta sumamente grandi y mundo ta wordo confronta cu problema di medio ambiente cual cu tempo ta cambia. Aruba ta cuminsa riba su maneho di energia pa produccion di awa, electricidad y transporte pa pocopoco pero sigur bay den e direccion responsabel cu mundo mester bay, sr. De Meza a splica.

Den caso cu e refineria habri su porta, e mester cumpli tambe cu leynan di medio ambiente uza internacional, unda ta indica cu no por tin carbon footprint manera antes y na cierto momento mester bay for di fuel oil pa gas natural. Den futuro lo tin mas refineria cu ta haci uzo di energia renoba, pues uno lo no ta stroba e otro, sr. De Meza a conclui.